



LÆRUM UM
MANNRÉTTINDIN OKKAR

BRÉF TIL
BJARGAR
LÍFI

AMNESTY
INTERNATIONAL



NÁMSÁÆTLUN

AÐ LÁTA Í
SÉR HEYRA



INNGANGUR AÐ MANNRÉTTINDUM

UM AMNESTY INTERNATIONAL

Amnesty International er alþjóðleg hreyfing yfir 7 milljóna manna sem telja að allt óréttlæti komi þeim við. Við berjumst fyrir heimi þar sem allar manneskjur fá að njóta mannréttinda sinna.

Við rannsökum atburði og segjum frá því sem gerist, hvar og hvenær sem mannréttindabrot eiga sér stað. Við beitum yfirvöld þrýstingi, auk áhrifamikilla aðila á borð við fyrirtæki, og reynum að tryggja að þessir aðilar standi við gefin fyrirheit og virði alþjóðalög. Með því að miðla áhrifamiklum reynslusögum fólksins sem við vinnum með virkjum við milljónir stuðningsmanna okkar um heim allan til að berjast fyrir breytingum og til að koma aðgerðasinnunum í framlínunni til hjálpar. Við styðjum fólk til að leita réttar síns, með fræðslu og þjálfun.

Með starfi okkar verndum við fólk og valdeflum það, allt frá afnámi dauðarefsingar til baráttu fyrir kynfrelsi og frelsi til barneigna og allt frá baráttu gegn mismunum til að verja réttindi flóttamanna og farandfólks. Við stuðlum að því að aðilar sem beita pyndingum verði færðir fyrir rétt. Við reynum að fá lögum sem stuðla að kúgun breytt og við berjumst fyrir frelsi fyrir fólk sem hefur verið fangelsað fyrir það eitt að segja skoðun sína. Við tökum málstað allra, sama hver uppruni þeirra er, sem búa við skert frelsi eða mannvirðingu.



Mótmæli fyrir utan sendiráð Tyrklands í London, Bretlandi 12. Júlí 2017.

BRÉFAMARAÐONIÐ

Bréfamararönd Amnesty International fer fram árlega, í kringum 10. desember, en það er Alþjóðlegur dagur mannréttinda (til að minnast dagsins þegar Mannréttindayfirlýsing Sameinuðu þjóðanna tók gildi árið 1948). Markmiðið með Bréfamararöndinni er að ná fram breytingum á lífi einstaklinga eða samfélaga sem hafa sætt eða eiga á hættu að sæta mannréttindabrotum. Amnesty International stendur fyrir margs konar aðgerðum í tengslum við Bréfamararönd, meðal annars taka samtökin fyrir einstök mál og kynna fyrir fólki sem hefur vald til ákvarðana og getur unnið að breytingum, gera slík mál sýnileg með því að skipuleggja mótmæli og hópáðgerðir og vekja athygli á þeim í alþjóðasamfélaginu með kynningum í fjölmiðlum og á netinu.

Milljónir manna um heim allan taka þátt í Bréfamararöndinni ár hvert. Þessi alþjóðlega hvatning verður til þess að opinberir starfsmenn fá skæðadröfn bréfa. Fórarlömb pyndinga, samviskufangar og fólk sem á yfir höfði sér dauðarefsingu eða önnur mannréttindabrot fá send stuðningsskilaboð frá þúsundum annarra, í öllum heimshornum. Þau sem brotið hefur

verið á vita þá að athygli hefur verið vakin á aðstæðum þeirra. Þau vita að þau eru ekki gleymd.

Íslandsdeild Amnesty International hefur tekið þátt frá árinu 2005 og viðburðurinn fer sífellt stækkandi. Fjöldi einstaklinga, skóla, almenningsbókasafna, stofnana og fyrirtækja hafa beitt sér fyrir bættum heimi í gegnum þennan viðburð.

Árangurinn í gegnum árin hefur verið frábær. Einstaklingar sem hafa sætt brotum hafa sagt frá því að bréf sem þessi hafi verið þeim gífurlega mikilvæg og látið í ljós einlægt þakklæti til þeirra sem þau skrifuðu. Þeir lýsa því gjarnan hvað það veitti þeim mikinn styrk að finna að svo margir skyldu láta sér annt um málstað þeirra.

Oft verður vart við veigamikla breytingu af hálfu embættismanna gagnvart þessu fólki: Ákæru hafa verið felldar niður, meðferð orðið skárri og lögum eða reglugerðum er stríða gegn mannréttindum hefur verið breytt.



INNGANGUR AÐ MANNRÉTTINDUM

GÓÐAR FRÉTTIR ÚR BRÉFAMARAÞONINU

LAUS ÚR HALDI Í ÚSBEKISTAN

Muhammad Bekzhanov [til hægri], sem setið hefur í fangelsi einna lengst allra blaðamanna í heiminum, var leystur úr haldi í febrúar árið 2017 eftir 17 ára fangavist. Hundruð þúsunda manna um heim allan skrifuðu bréf til að krefjast frelsis honum til handa.

„Þegar ég var í fangelsinu veittu bréfin frá ykkur mér óumræðilega huggun. Þakka ykkur fyrir!“



LAUS ÚR HALDI Í BANDARÍKJUNUM

Uppljóstrarinn Chelsea Manning [til vinstri] fékk frelsi á ný í maí árið 2017 eftir að 35 ára fangelsisdómur hennar var felldur niður af fráfaranði Bandaríkjaforseta, Barack Obama. Yfir fjórðungur milljónar manna skrifaði til að krefjast lausnar hennar.

„Ég vildi óska að ég hefði nægan tíma til að þakka hverjum og einum þeirra sem færðu mér örlitla gleði í hvert sinn sem það kom bréf eða kort.“



ÁKÆRUR FELLÐAR NIÐUR Í PERÚ

Í maí 2017 var felld niður ákæra á hendur Mxima Acuña [til hægri], bónda sem greip til aðgerða til að mótmæla atferli eins stærsta gullgraftarfyrirtækis í heimi. Yfir 150.000 manns höfðu sent henni stuðningskveðju.

„Haldið áfram að veita stuðning og hjálp, ekki bara til mín, lofið þið því?“



Þú getur lesið fleiri góðar fréttir á [amnesty.org/WriteForRights](https://www.amnesty.org/WriteForRights)

INNGANGUR AÐ MANNRÉTTINDUM

UM MANNRÉTTINDI

Mannréttindi eru grundvallarréttindi og réttarvernd sem hvert og eitt okkar á tilkall til. Þau byggjast á meginreglum um mannlega reisn, jafnrétti og gagnkvæma virðingu, óháð aldri, þjóðerni, kyni, kynþætti, lífsskoðunum og persónulegri afstöðu.

Þú átt rétt á sanngjarnri meðferð, og þér ber að koma fram við aðra af sanngirni. Þú átt einnig rétt á ákvarðanatöku um eigið líf. Þessi grundvallarmannréttindi eru algild – þau eru réttur okkar allra, allra sem heiminn byggja. Þau eru óafsalanleg – enginn getur tekið þau frá okkur. Þau eru líka óskiptanleg og tengjast innbyrðis – allir þættir hafa jafnmikið vægi og eru tengdir öðrum þáttum.

Í kjölfar þeirra grimmdarverka sem framin voru í seinni heimsstyrjöldinni urðu til alþjóðleg lög um mannréttindi, á grundvelli Mannréttindayfirlýsingar Sameinuðu þjóðanna, sem hafa myndað trausta undirstöðu fyrir landsbundin og svæðisbundin lög og alþjóðalög sem ætlað er að bæta líf fólks um heim allan. Yfirvöldum á hverjum stað ber að líta á mannréttindi sem gildandi lög. Þau leggja yfirvöldum og ríkisstarfsmönnum þær skyldur á herðar að virða og verja rétt þeirra sem undir lögsagnarumdæmi þeirra heyra, sem og á öðrum svæðum.

Mannréttindi eru ekki munaður sem fólk fær aðeins að njóta þegar aðstæður leyfa.



MANNRÉTTINDAYFIRLÝSING SAMEINUÐU ÞJÓÐANNA

Mannréttindayfirlýsing Sameinuðu þjóðanna var samþykkt af Sameinuðu þjóðunum á fyrstu árum stofnunarinnar, rétt eftir seinni heimsstyrjöldina. Frá 1948 hefur hún verið grundvöllur alþjóðareglna um mannréttindi. Öll ríki í heiminum hafa samþykkt að þau skulu vera bundin af þeim almennu meginreglum sem lýst er í 30 greinum þessa skjals.

Mannréttindayfirlýsing Sameinuðu þjóðanna er, eins og nafnið gefur til kynna, yfirlýsing. Hún er viljayfirlýsing af hálfu allra ríkisstjórna, um heim allan, um að virða tilteknar reglur og staðla að því er varðar meðferð á og framkomu við manneskjur. Mannréttindi eru hluti af alþjóðalögum. Allt frá því að Mannréttindayfirlýsing Sameinuðu þjóðanna var samþykkt hefur fjöldi annarra bindandi laga og samþykktu verið gerðar á grundvelli þeirra meginreglna sem í yfirlýsingunni er að finna. Það er á grundvelli slíkra laga og samþykktu sem samtök á borð við Amnesty International krefja yfirvöld um að hætta atferli eða meðhöndlun af þeim toga sem fólkið sem Bréfamarabonið beinir sjónum að hefur orðið fyrir.

YFIRLÝSING UM BARÁTTUFÓLK FYRIR MANNRÉTTINDUM

Fimmtíu árum eftir að Mannréttindayfirlýsing Sameinuðu þjóðanna var samþykkt varð Sameinuðu þjóðunum ljóst að fólkið sem barðist fyrir mannréttindum þurfti á stuðningi að halda, bæði frá stofnunum og einstaklingum. Í desember 1998 samþykkti allsherjarþing Sameinuðu þjóðanna yfirlýsingu sem yfirleitt er kölluð Yfirlýsing Sameinuðu þjóðanna um baráttufólk fyrir mannréttindum. Í yfirlýsingunni er að finna skilgreiningu á baráttufólki fyrir mannréttindum, sem og lýsingu á skyldum ríkisstjórna, samfélagsins í heild og einstaklinga til að styðja og verja slíka málsvara. Baráttufólk fyrir mannréttindum er einnig kallað mannréttindafrömuðir og er það heiti notað yfir þennan mikilvæga hóp í þessu kennsluefni.

Yfirlýsingin er alþjóðlegur gerningur sem ætlað er að verja rétt fólks til að standa vörð um mannréttindi. Hún festir ekki í sessi ný réttindi heldur áréttað fyrirbyggjandi réttindi sem liggja til grundvallar allri baráttu fyrir mannréttindum. Meðal þeirra má nefna félagafrelsi, réttinn til að koma saman með friðsömum hætti, skoðanafrelsi og tjáningarfrelsi, réttinn til að nálgast upplýsingar sem tengjast mannréttindum sem og réttinn til að veita lögfræðiaðstoð og frelsi til að próa og ræða nýjar hugmyndir á sviði mannréttinda.

INNGANGUR AÐ MANNRÉTTINDUM

MANNRÉTTINDAYFIRLÝSING SAMEINUÐU ÞJÓÐANNA



BORGARARÉTTINDI OG FRELSI

Réttur til lífs, frelsi frá pyndingum og þrældómi, réttur á að sæta ekki mismunun.

- 1. grein Allir eru fæddir frjálsir og jafnir
- 2. grein Bann við mismunun
- 3. grein Réttur til lífs, frelsis og mannhelgi einstaklinga
- 4. grein Frelsi frá þrældómi
- 5. grein Frelsi frá pyndingum



LAGALEGUR RÉTTUR

Réttur til að teljast saklaus uns sekt er sönnuð; réttur til réttlátrar málsmeðferðar fyrir dómi, réttur til að njóta frelsis frá geðþóttahandtökum eða farbanni.

- 6. grein Allir skulu njóta verndar með lögum
- 7. grein Allir skulu vera jafnir fyrir lögum
- 8. grein Lagaleg úrræði þegar mannréttindi eru brotin
- 9. grein Bann við ólögumætu farbanni, fangelsun eða brottvísun
- 10. grein Réttur til réttlátrar málsmeðferðar fyrir dómi
- 11. grein Saklaus uns sekt er sönnuð
- 14. grein Réttur til að fara til annars lands og leita verndar



FÉLAGSLEG RÉTTINDI

Réttur til menntunar, til að stofna fjölskyldu og annast hana, til tómstundar, réttur á heilsugæslu.

- 12. grein Réttur til einkalífs, heimilis og fjölskyldulífs
- 13. grein Frelsi til að búa og ferðast hindrunarlaust innan landamæra ríkja
- 16. grein Réttur til að ganga í hjónaband og stofna fjölskyldu
- 24. grein Réttur til að njóta hvíldar og afþreyingar
- 26. grein Réttur til menntunar, þar með talinn réttur til gjaldfrjálsrar grunnmenntunar



EFTNAHAGSLEG RÉTTINDI

Eignarréttur, réttur til að vinna, til húsnæðis, til lífeyris, til fullnægjandi líf skjara.

- 15. grein Réttur til ríkisfangs
- 17. grein Réttur til að eiga eignir
- 22. grein Réttur á félagslegu öryggi
- 23. grein Réttur til að vinna fyrir sanngjörnum launum og ganga í stéttarfélag
- 25. grein Réttur til líf skjara sem tryggja heilsu og velferð



STJÓRNMÁLALEG RÉTTINDI

Réttur til að taka þátt í stjórn lands síns, greiða atkvæði, koma saman með friðsömum hætti, frelsi til tjáningar, lífsskoðunar og trúarskoðunar

- 18. grein Réttur til lífsskoðunar (þar með talin trúarskoðun)
- 19. grein Tjáningarfrelsi og réttur til að miðla upplýsingum
- 20. grein Frelsi til að ganga í félagasamtök og halda fundi með friðsömum hætti
- 21. grein Réttur til að taka þátt í stjórn lands síns



MENNINGARLEG RÉTTINDI, RÉTTINDI TIL SAMSTÖÐU

Réttur til þess að taka þátt í menningarlífi samfélagsins.

- 27. grein Réttur til þess að taka frjálsan þátt í menningarlífi samfélagsins
- 28. grein Réttur til alþjóðaskipulags þar sem öll ofangreind réttindi eru framkvæmd
- 29. grein Skylda til að virða réttindi annarra
- 30. grein Ekki má svipta neinn neinum þessara réttinda!

NÁMSÁÆTLUN

AÐ LÁTA Í SÉR HEYRA

LYKILHUGTÖK:

- Mannréttindafrömuðir
- Sinnuleysi
- Hugrekki
- Réttur til húsnæðis
- Frelsi frá ómannúð-
legri og niðurlægjandi
meðferð
- Tjáningarfrelsi

UM ÞESSA KENNSLUSTUND:

Nemendur auka færni í að koma skilaboðum á framfæri og sannfæra aðra með reynslusögu mannréttifrömuðs í Kína.

NÁMSMARKMIÐ:

- Að nemendur öðlist skilning á eldmóði og hugrekki mannréttindafrömuða
- Að nemendur auki færni sína við að koma skilaboðum á framfæri
- Að nemendur þekki til Bréfamaraþonsins á vegum Amnesty International og geti skrifað bréf til stuðnings einhverjum þeirra einstaklinga sem beint er sjónum að

UNDIRBÚNINGUR:

Eintök af upplýsingunum um Ni Yulan á bls. 10. Eitt eintak fyrir hverja tvo nemendur.

TÍMI:

45 mínútur

ALDUR:

14+

UMRÆÐUR:

„ÉG SAGÐI EKKI NEITT ...“

🕒 15 MÍNÚTUR

1. Lestu upphátt fyrir bekkinn ljóðið eftir prestinn Martin Niemöller á bls. 9.

2. Biddu nemendur að lýsa viðbrögðum sínum stuttlega:

- Hvenær haldið þið að þetta ljóð hafi verið samið?
- Um hvað fjallar það? Hvað var höfundur þess að reyna að segja okkur?

3. Segðu þeim svolítið frá ljóðinu og samhengi þess (bls. 9). Svo skaltu spyrja:

- Hvers vegna látum við ekki alltaf til okkar heyra þegar aðrir sæta kúgun eða mannréttindabrotum? Hvað stöðvar okkur?
- Getið þið nefnt einhver dæmi um þetta, jafnvel úr ykkar eigin reynsluheimi?
- Getið þið nefnt dæmi um það þegar þið eða einhverjir aðrir tóku ekki málstað annarra?

4. Upplýstu nemendur í stuttu máli um yfirlýsingu Sameinuðu þjóðanna um baráttufólk fyrir mannréttindum. Útskýrðu fyrir þeim að stundum sé erfitt að láta í sér heyra þegar mannréttindi eru brotin og að þeir sem það gera þurfi að njóta verndar til að þess sé gætt að þeirra mannréttindi verði ekki brotin líka. Yfirlýsingin um baráttufólk fyrir mannréttindum var sett fram í þeim tilgangi. (Frekari upplýsingar eru á bls. 4).

KYNNING Á BRÉFAMARAÐONINU

5. Upplýstu nemendur um Bréfamaraðonið (bls. 2) og kynntu þá fyrir máli Ni Yulan, sem er einn þeirra mannréttindafrömuða sem Amnesty International hefur valið að beina sérstaklega sjónum að í ár. Segðu þeim að Amnesty International biðji nú fólk um heim allan að láta í sér heyra vegna Ni Yulan, með sama hætti og hún hefur látið í sér heyra til að tala máli annarra.
6. Notaðu upplýsingarnar á bls. 3 til að deila með nemendum nokkrum af góðu fréttunum úr Bréfamaraðonum fyrri ára. Útskýrðu fyrir þeim að þessi frábæri árangur sé einkum vegna þess hversu mikill fjöldi lét í sér heyra og skrifaði til að krefjast réttinda. Segðu þeim þetta:

Ef allir nemendur í þessum hópi skrifa bréf og fá eina aðra manneskju til að gera slíkt hið sama myndi það þýða að kínversk stjórnvöld fengju 50 bréf!

VERKEFNI: HVATT TIL MANNRÉTTINDA

7. Paraðu nemendur saman og láttu þá fá upplýsingarnar um Ni Yulan. Segðu nemendum að hvert par eigi að skrifa stuttan hvatningartexta sem geti sannfært eina aðra manneskju um að skrifa fyrir réttindum Ni Yulan.
8. Eftir 15 mínútur kemur allur hópurinn saman aftur og þá spyrðu hvort einhver paranna vilji lesa hvatningartextann sinn fyrir aðra í bekknum.
9. Ljúktu kennslustundinni með því að spyrja aðra nemendur hvort hvatningartextinn myndi sannfæra þá.

- Hvaða rök voru mest sannfærandi og hvers vegna?
- Hafið þið í hyggju að nota þau í skilaboðunum?

Hvettu nemendur til að prófa hvatningarorðin á eins mörgum og þeir geta. Það mætti jafnvel halda smákeppni: Hver getur sannfært flesta til að skrifa bréf?

10. Skipuleggðu eftirfylgnitíma þar sem nemendur fá tækifæri til að skrifa bréf til stuðnings Ni Yulan. Minntu nemendur á að Amnesty International sé að senda ákall til fólks um heim allan um að skrifa tvö bréf til að hjálpa henni:

- Persónulega kveðju til Ni Yulan sjálftrar til að láta í ljós samstöðu með henni, svo hún viti að fólk um heim allan styður hana í baráttu hennar
- Mótmælabréf til forstöðumanns almannaöryggisskrifstofu Pekingborgar

🕒 5 MÍNÚTUR

Valfrjálst:

Nota má stutt myndband um aðrar góðar fréttir úr Bréfamaraðoninu sem hægt er að nálgast á www.amnesty.org/WriteForRights.

🕒 20 MÍNÚTUR

Valfrjálst:

Þú gætir einnig notað stutt myndband um Ni Yulan sem aðgengilegt er á www.amnesty.org/WriteForRights.

Valfrjálst:

Þú getur bent nemendum á að skoða vefsvæðið www.amnesty.is/bref-til-bjargar-lifi og hvatt þá til að kynna sér og skrifa undir fleiri mál til að krefjast réttinda annarra mannréttindafrömuða sem sjónum er beint að.

LEIÐBEININGAR FYRIR BRÉFAMARAÐONIÐ

SKRIFAÐU BRÉF TIL BJARGAR LÍFI

1. Hvettu nemendur til að skrifa til Ni Yulan og sýna samstöðu með henni, aðdáun á henni eða hvað annað sem þeir vilja tjá henni. Biddu þá að íhuga hvað hún er líkleg til að vilja heyra á þessum erfiðleikatímum.

Ni Yulan hefur ekkert fast aðsetur og því er best að deila samstöðuskilaboðum til hennar á samfélagsmiðlum, með myllumerkinu #NiYulan.

2. Hvettu nemendur til að skrifa Wang Xiaohong, forstöðumanni almannaoðryggisskrifstofu Pekingborgar, á eftirfarandi heimilisfang:

No.9 Dongdajie
Qianmen,
Dongchengqu
Beijingshi 100740
People's Republic
of China

Hér eru leiðbeiningar sem nemendur geta stuðst við þegar þeir skrifa bréfið:

GEFÐU BRÉFINU TIL FORSTÖÐUMANSINS PERSÓNULEGT YFIRBRAGÐ:

- Segðu honum eitthvað um sjálfa(n) þig
- Segðu honum af hverju þér finnst mál Ni Yulan svona alvarlegt
- Skoraðu á hann að stöðva ógnanir og áreitni í garð Ni Yulan og fjölskyldu hennar og gera þeim kleift að finna sér viðunandi húsnæði í Peking



GRUNNUPPLÝSINGAR

„FYRST KOMU ÞEIR AÐ SÆKJA ...“

Fyrst komu þeir að ná í kommúnistana.

*En ég var ekki kommúnisti,
svo ég sagði ekkert.*

*Þá tóku þeir jafnaðarmennina,
en ég var ekki jafnaðarmaður svo ég gerði ekkert.*

*Svo komu þeir að sækja verkalyðsleiðtogana,
en ég var ekki verkalyðsleiðtogi og gerði því ekkert.*

*Svo sóttu þeir Gyðingana,
en ég var ekki Gyðingur og lét það afskiptalaust.*

*Og þegar þeir sóttu mig,
þá var enginn eftir sem gat talað máli mínu.“*

Séra Martin Niemöller (1892–1984)

Til eru nokkrar útgáfur af ljóði prestsins Martins Niemöller, en allar fela þær í sér sömu grunnhugmyndina um sinnuleysi mannanna gagnvart alvarlegum mannréttindabrotum, nema þegar brotin hafa bein áhrif á einstaklinga. Ljóðið varð til í kjölfar meðferðar nasista á sósíalistum, forystumönnum stéttarfélaganna, gyðingum og fleiri hópum.

Sjálfur hafði Niemöller býsna mótsagnakennda afstöðu og studdi meira að segja Hitler til valda í byrjun. Síðar lét hann þó af þeim stuðningi og sat í ýmsum fangabúðum á tímabilinu 1937 til 1945 vegna andstöðu sinnar við yfirvöld.

SPJALD UM MÁLIÐ

NI YULAN



Í aðdraganda Ólympíuleikanna í Peking 2008 voru heilu hverfin í borginni rifin til að rýma fyrir nýbyggingum. Ni Yulan var lögfræðingur og hún bauð lögfræðiráðgjöf og stuðning mörgum þeirra íbúa sem misstu heimili sitt. Hún horfði einnig upp á sitt eigið heimili lagt í rúst af kínverskum yfirvöldum, rétt fyrir leikana.

Ni Yulan hefur árum saman talað fyrir mannréttindum, þá einkum rétti þeirra sem hafa verið þvingaðir burt af heimilum sínum. Það hefur þó verið henni og fjölskyldu hennar dýrkeypt. Í næstum 20 ár hefur Ni Yulan sætt eftirliti, áreitni og takmörkunum á ferðafrelsi af hálfu kínverskra yfirvalda. Hún hefur verið hrakin af heimili sínu minnst sjö sinnum, hefur setið í fangelsi í fimm og hálf ár og þarf nú að nota hjólastól vegna pyndinga sem hún sætti á meðan hún var í fangelsi.

HRAKIN AF HEIMILI SÍNU – NÝLEGASTA TILVIKIÐ

Í apríl 2017 ruddust hópar ónafngreindra manna þrisvar sinnum inn í íbúð Ni Yulan. Fyrst eyðilögðu þeir allar vatnslagnir og rufu samband við rafmagn og internet. Síðan fjarlægðu þeir allar gluggarúður og hurðir úr íbúðinni og loks, í þriðju innrásinni, drógu þeir Ni Yulan, eiginmann hennar og dóttur út úr íbúðinni og þvinguðu þau upp í tvo sendibíla. Ekið var með fjölskylduna um borgina í margar klukkustundir, þar til þau voru að lokum skilin eftir langt frá íbúðinni þeirra, klukkan eitt að nóttu.

Þegar þau komust aftur heim hafði verið skipt um lás á útidyrnum. Upp frá því hafa Ni Yulan og eiginmaður hennar verið húsnæðislaus og hafa flutt sig hús úr húsi og reitt sig á stuðningsmenn sína um mat og aðrar nauðsynjar.

„Við munum ekki láta undan þrýstingi því við munum aldrei geta lifað af ef við stöndum ekki vörð um réttindi okkar. Andspænis þessu ofríki (yfirvalda) höfum við þurft að leita allra hugsanlegra lagaúrræða til að berjast fyrir réttindum okkar.“



Amnesty International er alþjóðleg hreyfing yfir 7 milljóna manna sem telja að allt óréttlæti komi þeim við.

Framtíðarsýn okkar er að allar manneskjur fái notið þeirra réttinda sem fest eru í sessi í Mannréttindayfirlýsingu Sameinuðu þjóðanna og öðrum alþjóðlegum mannréttinda-sáttmálum.

Við störfum algerlega óháð hugmyndafræði ríkja eða stjórnmalastefnum, efnahagslegum hagsmunum eða lífs-skoðunum og starfið er að mestu fjármagnað með aðildar-gjöldum og framlögum einstaklinga.

ÍSLANDSDEILD AMNESTY INTERNATIONAL

www.amnesty.is

Tölvupóstur: amnesty@amnesty.is

Sími: 5117900

Kennsluefnið er unnið af mannréttindafræðsluteymi aðalskrifstofu Amnesty International, þýtt og aðlagð af Íslandsdeild Amnesty International 2017

Myndskreytingar: © Rebecca Hendin

**AMNESTY
INTERNATIONAL**

